

SCRIPT OF EVENING GOJRI NEWS BULLETIN 11MAR 2025

1700HRS

اوننگ گوجری نیوز بولینٹن 11 مارچ 2025

یوہ آکاشوانی جموں بے نصرت تے ظفر اقبال تیں خبر سُنو۔

HEADLINES

- ۱۔ وزیر اعظم نریندر مودی غو ماریشیس مانہ شاندار استقبال ہوو تے اُنہاں نے اہم رہنماواں نانہ خراج عقیدت پیش کیو۔
- ۲۔ وزیر اعلیٰ عمر عبداللہ نے دہاڑی دار ملازماں غا مسئلہ ور چہان بین واسطے کمیٹی تشکیل کی تے ۶ ماہ مانہ حتمی منصوبہ تیار وے گو۔
- ۳۔ جل شکتی غا وزیر نے اعلان کیو کہ دریائے توی غو منسوبو اپریل ۲۰۲۵ تک مکمل وے گو، ۵۸ فی صد کم مکمل۔
- ۴۔ زراعت غا وزیر نے کہیو حکومت ادھمپور مانہ خاص فصلاں غی کاشت بدھان تے دیسی سبزیاں نانہ فروغ دین ور کم کر رہی بے۔
- ۵۔ لیفٹیننٹ گورنر منوج سنہا نے کہیو بھارت نے گزشتہ ۱۰ براں مانہ صحت غا شعباں مانہ نمایاں ترقی کی بے۔

PM MAURITIUS VISIT

وزیر اعظم نریندر مودی ماریشیس غا ۲ روزہ دورہ ور اج سویرے پورٹ لیوز پُج گیا ہیں اس ۲ روزہ دورہ ور نکلتے وقت وزیر اعظم نے اپنا بیان مانہ کہیو تھو کہ ماریشیس بھارت غو بحر ہند مانہ اہم شراکت دار بے تے برا اعظم افریقہ تک جان غو ایک اہم رستو وی بے جناب مودی نے کہیو کہ دوئے ملک تاریخی جغرافیائی تے ثقافتی طرز ور ایک دوجا نال گہرو تعلق رکھیں جناب مودی نے کہیو کہ وے ماریشیس غی لیڈر شپ نال مل غے عوام غی فلاح وبہبود تے بحرہند علاقہ غے اندر حفاظتی صورتحال مانہ مزید بہتر بنان ور تبادلہ خیال کریں غا وزیر اعظم اج ماریشیس غا وزیر اعظم نوین چندرا نال ملاقات کریں گا تے اُس تیں بعد اج شام منعقد ہون آلا ایک پروگرام مانہ شرکت کریں غا۔

ASSEMBLY DAIRY WAGER

جموں کشمیر غا وزیر اعلیٰ عمر عبداللہ نے یومیہ اجرت ور کم کرن آلا غا احتجاج نانہ انسان دوست قرار دیتا واں اس گل ور زور دتو جے ان غی حکومت غا اختیار مانہ پولیس نی بے آکاشوانی جموں گا نامہ نگار نے خبر ثوری بے جے وقفہ سوال غے دوران حزب اختلاف نے گزشتہ کل تہاڑی دار اجرت لین آلا ملازماں ور پولیس غی طرفوں کی گئی کٹ مار غے پیش نظر قانون ساز اسمبلی مانہ سوال چایا گیا ان سوالاں گا جواب مانہ وزیر اعلیٰ عمر عبداللہ نے کہیو جے تہاڑی دار اجرت لین آلا ملازماں کی مانگ جانیز ہیں تے ان ملازماں سنگ صبر تے تحمل نال پیش آنو چاہیے نہ کہ تشدد سنگ اس سلسلہ مانہ مزید گل بات کرتا واں وزیر اعلیٰ عمر عبداللہ نے کج اس طرح کہیو بعد ازاں یومیہ اجرت غا معاملہ ور میڈیا غا نمائندان غا سوال گا جواب دیتا واں وزیر اعلیٰ نے کہی وجے اس سلسلہ مانہ ایک کمیٹی تشکیل دتی گئی بے جے نانہ سارو کم کرن واسطے ۶ مہینہ غو وقت دتو گیو۔ اُنہاں نے مزید کج اس طرح کہیو۔

JAL SHAKTI TAWI

جل شکتی غا وزیر جاوید احمد رانا نے کہیو ہے جے دریائے توی پروجیکٹ پہلا مرحلہ مانہہ ایک سو ۳۴ کروڑ غی مختص رقم مانہہ ایک اپریل دو ہزار ۵۲ توڑی مکمل کیو جے غو۔ آکاشوانی جموں غا نامہ نگار نے خبر دتی ہے جے اس گل غی کانکاری وزیر موصوف جاوید رانا نے قانون ساز اسمبلی مانہہ ارویند گپتا غی طرفوں پوچھیا گیا ایک سوال غا جواب مانہہ دتی وزیر موصوف نے مزید جانکاری دیتا وں دسیو جے تقریباً ۶۹ تے ۴۹ فی صد جسمانی کم دریا غے سبجے تے کہیے پاسے مکمل ہو گیو ہے۔ توی بیرج بارے کم کیا جان غا مسئلہ ور جواب دیتا وں جناب رانا نے دسیو جے ان کماں غی تخمینہ لاگت ۴۶ کروڑ ۰۸ لکھ تے ۶۳ کروڑ ۵۱ لکھ روپیہ خرچ ہو چکا ہیں جل شکتی غا وزیر جاوید احمد رانا نے مزید جانکاری فراہم کرتا وں دسیو جے توی بیرج تے مصنوعی جیل غا سٹینڈ غو ۵۸ فی صد کم مکمل ہو گیو ہے۔

AGRICULTURE CHENANI

وزیر زراعت جاوید احمد ڈار نے اج کہیو کہ حکومت ادھمپور ضلع مانہہ خاص فصلان غی کاشت بدھان تے دیسی سبزیاں نانہہ فروغ دین ور کام کر رہی ہے یوہ کم کپیکس بجٹ تے زرعی ترقیاتی منصوبہ ۲ ہزار ۵۲، ۴۲ غے تحت کیو جارہیو ہے آکاشوانی جموں غا نمائندہ غی رپوٹ غے مطابق وزیر موصوف نے یوہ بیان بلونت سنگھ منکوٹہ غا سوال غا جواب مانہہ دتو وزیر نے دسیو کہ سیونا تے لٹی علاقہ نانہہ مالی سال ۲ ہزار ۵۲، ۶۲ مانہہ قدرتی کھیتی غ اقومی مشن غے تحت ترجیح دتی گئی ہے۔ اس تیں علاوہ سیب اکھروٹ تے کیوی غا باگ نانہہ بدھان غے نال نال آبپاشی غا نظام نانہہ وی بہتر بنان غو منصوبو شامل ہے۔ وزیر نے مزید کہیو کہ چینینی حلقہ انتخاب مانہہ زرعی سکیمیں غے تحت ۰۲ ہزار ۱۳ مستفیدان نانہہ شامل کیو گیو ہے۔

BUDGET RESPONSE

جموں کشمیر غا لوک حکومت غا حالیہ بجٹ غا اعلان غو خیر مقدم کرہیا ہیں جس گو مقصد کمزور طبقہ غا لوکاں غی زندگی نانہہ بہتر بنان توں علاوہ زراعت نانہہ وی فروغ ملے گو اس بجٹ غ اپیش کرن تو بعد مچ سارا لوکاں نانہہ مفت بجلی تے راشن لین غا مسئلہ ور خوشی دیکھی گئی جن مانہہ اے اے وائی طبقہ غ اصدارفین شامل ہیں قابل ذکر ہے جے اس بجٹ مانہہ خواتین نانہہ ای بسان تے سرکاری بسان مانہہ مفت سفر کرن غی وی گل ہے جس غے چلتا خواتین مانہہ کافی خوشی غو ماحول دیکھیو گیو ہے اس تیں علوہ کسان خاص طور ور وے لوک جھپڑا کاشت کاری غی جدید تکنیک اپنا رہیا ہیں زراعت واسطے خاطر خواہ بجٹ مختس کرن غا بارہ مانہہ پر امید ہیں جس مانہہ میاری بیج بٹر مندی غی ترقی تے مالی مدد غو وعدہ کیو گیو ہے اس سلسلہ مانہہ آکاشوانی خبراں سنگ گل بات کرن غے دوران انہاں نے کج اس طرح کہیو۔

LG BIHAR

جموں کشمیر غا لیفٹیننٹ گورنر منوج سنہا نے کہیو ہے جے بھارت نے گزشتہ ۰۱ براں غے اندر وزیر اعظم نریندر مودی غی سربراہی مانہہ صحت سہولیات شعبہ مانہہ تیز رفتاری سنگ ترقی کی ہے ایل جی موصوف نے یہ گل آج بیہار مانہہ اُس ویلے کی جد وے شری بریداری

رائے ہسپتال گو افتتاح کر رہا تھا جناب سنبھا نے مزید کہیو جے طبی ٹیکنالوجی تے علاج مانہ بہارت غی اختراعات ہون عالمی سطح ور بہترین مانہ تمار وے ایل جی موصوف نے گل بات کرتا واں کہیو جے صحت غی دیکھ بہال غا پیشہ ور افراد ترقی یافتہ ممالک غا اعلیٰ اداراں سنگ مقابلو کریں لیفٹیننٹ گورنر نے بدلتی للکاراں سنگ نمڑن بارے گل کرتا واں کہیو جے انسانی وسائل غی ترقی تے دور دراز غا علاقاں مانہ صحت غی دیکھ بہال توڑی رسائی نانہ بہتر بنان غی اہمیت ور زور دتو تانجے سارا واسطے معیاری تے سستی دیکھ بہال نانہ یقینی بنایو جاسکے۔

REASI ACCIDENT

ریاسی ضلع گا مہور غے قریب گنگوٹ مانہ ایک سڑک حادثو پیش آیو جت ایک ٹیمپو گڈی بے قابو ہو غے گہری کھائی مانہ جا پنی اس حادثہ مانہ ۴ افراد جاں بحق ہو گیا جدکہ ۸ دیگر زخمی ہوا ہیں اس بارے جانکاری دیتا واں ایس ایس پی ریاسی پرم ویر سنگھ نے اس طرح کہیو۔

POONCH VDC

ضلع پونچھ مانہ مقامی حفاظت نانہ مزید مضبوط بنان واسطے بہارتی فوج غی اُنتالی راشٹریہ رائفل نے دیہاتی دفاعی کمیٹی غا ارکان واسطے جدید تربیت غو آگاز کیو ہے اس تربیت مانہ نوا دتا گیا خودکار لوڈ ہون آلی بندوق غا استعمال تے دیکھ بہال ور خصوصی توجہ دتی جارہی ہے تانجے حساس سرحدی علاقاں مانہ مقامی برادری غی دفاعی صلاحیتاں نانہ بہتر بنایو جاسکے۔ اس قدم گو مقصد دیہاتی دفاعی کمیٹی غا ارکان نانہ اہم مہارتاں تیں تیار کرنو ہے۔ تانجے وہ اپنا گراں نانہ زیادہ موثر طریقہ تیں محفوظ رکھ سکیں کاس طور ور جد خطہ مانہ حفاظتی خدشات مانہ اضافو ہو رہیو ہے۔ آکاشوانی نیوز نال گل کرتا واں وی دی سی گا ممبر سنجیو شرما نے اس طرح کہیو۔

DDMA SAMBA

سانہ ضلع مانہ آفات تیں نمڑن غی تیاری نانہ مضبوط بنان واسطے ضلع آفات انتظامیہ اتھارٹی سانہ غی ایک جائیزہ میٹنگ منعقد ہوئی جس غی صدارت ضلع مجسٹریٹ راجیش شرما نے کی۔ اس میٹنگ مانہ مختلف محکماں غے بشکار بہتر رابطو باقاعدہ مشق کرن تے ایک خصوصی امدادی ٹیم بنان ور زور دتو گیو۔ یاہ ٹیم ہنگامی صورتحال مانہ فوری تے موثر طریقہ تیں کاروائی واسطے تربیت حاصل کریں غی تانجے کسے بھی قدرتی یا انسانی آفت غو سامنو کرن واسطے ضلعو تیار رہیے۔ یوہ جائیزو اجلاس ضلع مانہ آفات انتظامیہ غی صلاحیتاں نانہ مزید مضبوط بنان غی ایک اہم کوشش ہے۔

URBAN CLEANLINESS JMU

جموں مانہ صفائی نانہ یقینی بنان واسطے ڈپٹی کمشنر جموں سچین کمار ویشیا تے جموں بلدیاتی ادارہ غا کمشنر دیوانش یادو نے جموں یونیورسٹی تیں ریلوے سٹیشن ترکوٹہ نگر توڑی نہر غی صفائی تے کچرو نکالنے غا کم گو معائنو کیو اپنا دورہ غے دوران اُنہاں نے ہدایت کی کہ کڈیو گیو کچرا نانہ ٹھاکنے لایو جے تانجے کسی قسم غی رکاوٹ نہ پیدا وے۔ نال ہی افسراں نانہ نہر غے کنارے غیر قانونی قبضہ نانہ روکن غا اقدامات کرن غی ہدایت کی تانجے پانی غو بہاو بہتر

رہے یاہ مہیم شہر غی نکاسی پانی گا نظام نانہ بہتر بنان تے اہم شہری علاقاں مانہ صفائی
برقرار رکھن واسطے کی جارہی ہے۔
